

Հետազոտական աշխատանք

Թեմա՝ «Իսահակյանի քնարերգությունը սիրային նամակների
ուղեկցությամբ»

Հայրոց լեզվի և գրականության

I խումբ

Մարինե Յարիջանյան

Մ. Գյորգիսյանի անվ. հ 158

հիմնական դպրոց

«Իմ բոլոր բանաստեղծությունները գրված են որևէ առիթով, դրանք համակցված են իրականությամբ դրանք հող ունեն և հիմք: Կյանքի հետ կապ չունեցող բանաստեղծությունները իմ աչքում ոչինչ բաներ չեն», - ասել է Ավետիք Իսահակյանը:

Ավետիք Իսահակյանը հայ բազմադարյան գրականության այն մեծ ներկայացուցիչներից է, որոնց նվիրական անունները զարդարում են հայ ժողովրդի հոգևոր մշակույթի պատմության էջերը:

Մեծ բանաստեղծները՝ հազվագյուտ ծնունդները, իրենց կյանքի ճանապարհին հայտնագործում են հրաշք աշխարհներ, որոնք անակնկալ բացվում են կախարդող տարիքով ու գեղեցկությամբ: Լինում է և այնպես, որ այդ աշխարհները հայտնագործվում են ծատ վաղ հասակում: Այդպես պատահեց հետագայում «Վարպետ» Մշուսույթը կրող Ավետիք Իսահակյանի հետ:

1899 թվականին 23 տարեկան բանաստեղծը հրապարակում է իր առաջին գիրքը՝ «Երգեր ու վերքեր» ժողովածուն, ուր գետեղված էին Իսահակյանի՝ պատանեկան տարիներին հյուսված երգերը: Այս գիրքը դառնում է նոր սկիզբը ոչ միայն հայ քնարերգության ճանապարհին, այլև այս գիրքը դառնում է պատանի բանաստեղծի՝ արդեն փոթորկված հոգու, արդեն սիրո սաղմը սրտի խոր ծալքերն ընկած և սիրահար հոգուց դեպի տիեզերք հասնող խոսք-ճանապարհ: Այդ սիրտ-տիեզերք կամուրջ ճանապարհը, պատանեկան հասկից մինչև ծերունական հասակ մերթ ահագնանում, զայրանում է ալեկոծ ծովի նման, մերթ էլ ծառս լինում՝ հանձնվելով նրա կախարդական ու հեշտագին տարերքին:

Սերը Իսահակյանի քնարերգության մեջ մշտապես կենդանի է եղել, նա դիտվել է որպես կյանքի աղբյուր, որպես կյանքը իմաստավորող մի զգացում: Կարդալով Իսահակյանի սիրային քնարը, մտնելով յուրաքանչյուր տողի բառերի խորքը՝ հասկանում ենք, որ նրա մեծ սերը երբեք չնվաղեց, հակառակը, նրա սերը մինչև իր կյանքի վերջը ապրեց, ապրեց՝ ապրեցնելով և ուժ տալով բանաստեղծին: Իսահակյանի սիրո երգերը բխում են սիրո տառապանք, սիրո քնքշանք, սիրո արբեցում և սիրո պատճառով էլ նրա քնարերգության մեջ գնալով ծավալվում և խորանում է մի անվերջ զրույց սրտի հետ, և նրա բոլոր երգերը, սիրո լարերն անվերջ պտտվում են

բանաստեղծի փոքրիկ, սովորական , բայց միննույն ժամանակ զարմանալի սրտի շուրջը:

Ի՞նչ ես գազազում, իմ վիրավո՛ր սիրտ.

Որ գազազում ես, ի՞նչ պիտի անես,

Աշխարհը իրեն ճամփով կընթանա,

Դու՛ խեղճ, դու՛ անգոր, ի՞նչ պիտի անես,

Տոկա՛, համբերի՛ր, իմ վրավո՛ր սիրտ,

Վճիտ հայացքով աշխարհին նայի՛ր,

Աշխարհը, իրեն ճամփով կընթանա,

Է՜յ, վիրավո՛ր սիրտ, դու մի՛ գազազիր:

Իսահակյանի սիրո երգերի քնարական հերոսը պատմում է ի լուր աշխարհի պատանեկության տարիներին իրեն բաժին ընկած ձախորդ սիրո վշտի ու տառապանքների մասին, որոնք դարձան նրա ողջ կյանքի ամենօրյա, ամենժամյա ուղեկիցները: Մինչև խոր ծերություն հասնող նրա սիրային քնարը չծերացավ, սիրո քնարի հերոսուհին մնաց նույն սիրելին՝ սիրո այլևայլ դրսևորումներով, նույն մեծարումներով էր մեծարվում իր սիրո իշխանուհին, մեծարվում էր, ինչպես մեծարվում էր պատանության տարիներին:

Ո՞վ էր գրավել Իսահակյանի սիրտը, ո՞վ էր գողացել նրա հոգու անդորը, ո՞վ էր Ամուրի նետով սիրո Պառնասից ամուր հարվածել և սիրո լարերով պատել Իսահակյանի սիրտը: Ո՞վ էր նրա սերը գողացել՝ փոխարենը նրան ոչինչ չտալով, չանելով, փոխարենը միայն ցավ, տառապանք, հոգու կսկիծներ նվիրելով:

Իրակա՞ն էր արդյոք նա, կա՞ր, թե՞ մի՞ջ էր ցնորական:

1891 թվականին Իսահակյանը հանդիպում է Շուշանիկ Մատակյանին, որը նաև նրա հեռավոր ազգականներից էր. «Հիշատակարանում» 1891թ. հունիսի 17-ի օրագրության մեջ գրված է.

«Դ-ների տանը պատահեցու օրիորդ Ծ-ին, ողջունեցի ու նստեցի մոտը: մեր քաղաքի բոլոր աղջիկների միջից սա է ինձ գրավում: Չափազանց գեղեցիկ է՝ սև և կլոր աչքեր, վառվրուն և խելոք հայացք, վարդագույն շրթունք, դալկահար դեմք ...: Նա մի

հրեշտակ է, մի բերբնական ոգի, մի մագնիս, որ քաշում է դեպի իրեն իմ սիրտն ու հոգին: Ա՜յ, չնաշխարհիկ Շ., դու գերեցիր ինձ»...

Ո՞վ է՝ անդորր, լուռ գիշերով

Մենությունս խռովում.

Շուշան-կրծքով, լույս թներով

Նիրհած գետը վրդովում:

Նա փերին է գմրուխտ գետի

Ցնորքներիս սիրելին.

Դիցուհին է իմ վառ սրտի,

Վառ երգերիս նագենին:

Իսահակյանի երգերի մեջ լսվում են սրտի բազմապիսի զարկեր և լիցքեր, մեղմիկ, քնքշալի ապրումներին միանում են ռոմանտիկ սլացքներ, անկման պահերին հետևում են բուռն վերելքներ:

Սիրտ-հոգի-կյանք,- ահա Իսահակյանի քնարի հիմն ու էությունը: Իսահակյանի սիրտը բազմաձև բաբախումներ ունի՝ իրարից տարբեր և երբեք իրար չնմանվող՝

«Սիրտս երկինք է»

«Սիրտս ժայռի պես ամուր, ցողի պես մաքուր է»

«Սիրտս սիրո բողբոջ կուտա»

«Սիրտս սրբազան վշտով թաթախիր»

«Սչտի մեջ է կյանքը մարդու»

«Սիրտս գոնե տիեզերքի մեջ հավերժ տրոփե»

«Սիրտն ամայի, աշխարհն ամայի»

«Իմ երգերը սրտից են բխում, ինչպես Արազը բյուրակնյ լեռներից», - գրում է Իսահակյանը իր առաջին գրքի ստեղծման շրջանում: Եվ բանաստեղծի սիրտը սկսեց երգել:

Ցաված սիրտս երգեր հյուսեց

Երգեց անուշ ու սխուր,

Վիշտս հավվեց, արցունք հոսեց,

Վճիտ, ինչպես ջինջ աղբյուր:

Ստեղծվում է պատանի Ավետիքի և Շուշանիկի միջև նամակագրական կապ:

Արդեն էջմիածնում Ավետիքը նամակներ էր ստանում Շուշիկից: Մերն ու տանջանքը պատանի բանաստեղծի համար դառնում են կյանքի խորհուրդ: Նամակներից մեկում Շուշիկը գրում էր. «Տանջվել եմ ուզում...» - դա հենց Իսահակյանի հոգու արձագանքն է: «Այդ քնքուշ հոգին որքան շուտ է ըմբռնել կյանքի էությունը՝ բանաստեղծությունը», - գրում է պատանի Իսահակյանը: Նա հավատում է, որ այդ սերը պիտի անթառամ լինի, և երջանիկ է այն մտքով, որ ինքն այլևս մենակ չէ այս աշխարհի-անապատում, և իրեն պատահաճ անախորժ դեպքերը հյուլե են երևում սիրո փոթորիկի առաջ»:

Թե՛ դեպի կյանքը, թե՛ դեպի մարդիկ Շողավոր, պայծառ հավատով զինված, Ես ողջունեցի... և վեհ, գեղեցիկ Ջգացմունքներով սիտս դգրդաց:

Եվ ես գնում եմ նոր, հեռու՜ ավեր:

Եվ այս կնճիռներն – ճակատիս պսակ,

Անխոս վկա են, որ վիշտ, տանջանքներ

Ես ճաշակել եմ, որպես հաղթանակ...

Ավետիք Իսահակյանը

Ալեքսանդրապոլ վերադառնալուց հետո՝ առաջին իսկ օրերին, այցելում է Շողիկին. «Ինչպիսի՜ ջերմությամբ ինձ ընդունեց. սիրո ժպիտը հիվանդ դեմքի վրա ցոլաց. նա ժպիտ չէր՝ պրոմեթեոյան կայծ-սեր-հույս», - գրում է Իսահակյանը 1891թվականին:

Շուշիկը լիովին տիրել էր պատանու մտքերին: Այդ տարի Իսահակյանի գրիչը բեղուն եղավ, և ծնվեցին 30 բանաստեղծություններ, որոնք սիրո տվայտանքներով էին ողողուն:

Օխտը տարով հեռու քեզնից,

Քու շվաքով ապրում եմ, յա՛ր,

Օխտը տարով բաժան քեզնից,

Քու կարոտով էրվում եմ, յա՛ր.

Դարդիս դարման, յարիս մահլամ,

Կյանք ու արև յարս ուր՞ է:

17-ամյա պատանու երգերով՝ հուզառատ ու սիրատոչոր, հարստանում էր հայ քնարերգությունը:

Կուզե՞ս լինիմ վշտի ցողեր՝

Աճքերիդ մեջ շող ցայեմ,

Լուռ գիշերվա անուշ հովեր

Փունջ ծամերդ փայփայեմ:

Կուզե՞ս լինեմ վարդ-նազելի՝

Կրծքիդ վրա վառվռիմ,

Արշալույսի շողեր ոսկի

Դեմքիդ վրա փայլփլիմ:

Կուզե՞ս լինիմ ծառ ու ծաղիկ

Քեզ գրկումս նինջ սփռեմ.

Թալուկ ստվեր, թովիչ թռչնիկ

Օրոր ասեմ, օրորեմ:

Ինչ-որ ցանկասս՝ կուզե՞ս լինիմ,

Լինիմ երկինք ու երկիր,

Լինիմ ծով, ժայռ, արև, լուսին

Միա՛յն, միա՛յն ինձ սիրիր:

Կամ՝

Շուշան աղջի՛կ, քու գերին եմ

Կալ ու կապված սիրուդ բոցեն,

Պապաք-ծարավ էրվեցա:

Իսկ Շուշանը գավը ուսին

Դեպի ձորն է թռչկոտում

Աչք չի գցում խողճ տղին:

1891 թվականի դեկտեմբերի 23-ին Իսահակյանը գրում է. «Այսօր ստացա օրիորդ Շուշիկից երկրորդ նամակը, որքա՛ն ուրախացա: Ես այժմ երջանիկ եմ, որ կարողացա

գտնել «մեկը»՝ նմար իմ հոգուն, իմ բնավորությանը: Ես նրա մեջ եմ տեսնում իմ հոգեկան պատկերը՝ որոշ գույներով: Կյանքը թվում է ինձ անվերջ սեր... Միրել-ապրել-տանջվել. – կյանքի խորհուրդը այս է...»:

1892թվական... Իսահակյանի կյանքի առաջին մեծ ջրբաժան: Պատանի Իսահակյանը սիրո մերժում է ստանում Շուշիկից, և փոխվում է բանաստեղծի կյանքի ընթացքը: 1893 թվականի մարտի 28-ին Էջմիածնից նամակ է գրում Շուշիկին. «Ի՞նչ գրեմ – արցունք, տանջանք, վիշտ, հեծեծանք: Թառամեցան ծաղիկները, հանգան կայծերը, ձմեռը եկավ բուք, բուրան, մառախուղ, մռայլ անապատ առանց օազիսի, ու՞ր է երկինքը, աստղերը, ծիածանը, արշալույսը – ու՞ր է, ու՞ր է անդրանիկ սերը, սերը պլատոնական: Ու՞ր է, ու՞ր...»

Ես լալիս եմ, ես տանջվում եմ»:

Հոգի կուտամ, հոգի տու՛ր ինձ,

Իմ նազելի աչազեղ:

Միրոս – սև արտ, սերդ – ալ վարդ,

Թո՛ղ բողբոջի նա այնտեղ.

Միրոս – գիշեր, սերդ – վառ աստղ,

Թո՛ղ շողշողա նա այնտեղ...

— «Այո; քույրի՛կ, այո՛, ես էշ ոչ ոքին չեմ սիրում, ոչ ոքի համար էլ չեմ աղոթում: Սակայն, ով գիտե, կարող՞ էի երևակայել, որ այն, այն ծաղիկը, որի բուրմունքից ես արբեցած ապրում էի, թառամում է. ոչ՛ ոչ՛, չէի կարող. մի՞թե կարող էի, մի՞թե կարող էի չսիրել «նրան» :

Ծաղիկ էի նորաբողբոջ,

Սարի լանջում, երկնի տակ,

Ինձ կոյուրթեր առվի խխոջ,

Ինձ կողջուներ արեգակ:

Գիշերները աստղ ու լուսին

Վար կիջնեին երկնքեն,

Ու հեքիաթներ ինձ կասեին

Կախարդական, ոսկեղեն:

«Երբ ես, հոգնած կյանքից,

Երբ ես, զզված գոյության անմիտ կովից, երբ ես մեռցրել էի հավատս թե դեպի մարդը և աշխարհը, ո՞վ ինձ նոր աշխարհ տվեց, ո՞վ ինձ իդեալներ տվեց, ո՞վ երկինք ու երկիր սրտումս իջեցրեց. «նա՛», «նա՛»...

Այստեղ շքեզ՝ ես ապրեցա,

Երազներով երջանիկ

Սերդ ցավեց ինձ, սևաչա՛, -

Ես չորացա, ա՛խ, աղջիկ...

«Ես չեմ ուզում այսպես կորչել, ոչնչանալ, ես ապրել եմ ուզում, ապրե՛լ, ապրե՛լ ինչու՞ չգիտեմ...

Խաբուսիկ աշխարհ, խորամանկ դիմակ: Ա՛խ, եթե ես կարողանայի աստծուն, երջանիկ կլինեի: Եվ մի՞թե կա երջանկություն աշխարհի մեջ:

Ոչ՛ ոչ՛ ... չկա: Ա՛խ, ես թշվառ եմ, ապերջանին չկարեկցեք ինձ վրա: Ես փոքրոզի չեմ, ես հաղթված չեմ կյանքի կովիդ: Չկարեկցեք», - գրում է նա 1893 թվականի մարտի 28-ին Շուշանիկին: - «Այսուհետև սիրո ոչ՛ մի շող, ո՛չ բույր ու թույր...»:

Սիրո ծալքերը սրտի խորքում գալարվում են, և հրաբխի լավայի նման Իսահակյանի հոգու խորքերից ժայթքելով՝ հորդում են սերը մերժող, հուսահատության քողով պատված բանաստեղծություններ:

Ցուրտ է օրը – բու՛ք ու խավա՛ր,

Քամին շաչում, շառաչում.

Ա՛խ, իմ սիրտս՝, խողճ, վշտահա՛ր,

Ախու՛ր, մրմունջ, լու՛ռ ու մունջ:

Լռեց քամին. շողով. շաղով

Շողաց արև, փայլեց օր, -

Իսկ դու ե՞րբ պիտ ժպտաս անամպ,

Իմ խեղճուկ սի՛րտ վիրավոր:

Ես ծերացա... մի՛ գարմանար,

Որ ես թեն դեռահաս,

Թեն դեմքն իմ վշտահար

Նոր է գգվում աղվամագ:
Մի՛ գարմանար... մտքով արդեն
Ես մեր կյանքը ապրեցի,
Ցնորքներում, որպես կյանքում,
Ես կովեցի, սիրեցի:
Եվ ցնորքում ի՞նչ տագնապով
Ես կյանք էի ընդգրկում.
Ես գրկեցի. ի՞նչ – արյան ծով,
Լոկ գոյության մաքառում:

— «Դու՛ք ուրախացեք, դու՛ք ապրեցեք, դու՛ք սպասեցեք դարձյալ. կյանքը դեռ ժպիտ տալիս է ձեզ համար, իսկ ինձ՝ ոչ», — նամակում Շուշիկին գրում է Իսահակյանը:

Անտուն գիշերնե՛ր,
Անքուն գիշերնե՛ր,
Քույրի՛կ, քեզ համար
Այված քո սիրով
Կարոտիդ երով
Ես շատ լացեցի,
Ես շատ տանջվեցի-
Անտուն գիշերնե՛ր,
Անքուն գիշերնե՛ր...

Այո՛, Իսահակյանը շատ խորն է ապրել սիրո ողբերգությունը, այն ողբերգությունը, որը նրա ողջ կյանք ողբերգությունն էր: Եվ այդ ողբերգու-երգերը դարձան իսահակյանական սիրո գոհարներ, իսկ Սաադիի խոսքերով ասած՝ մարգարիտների, որոնք ծնվում են սիրո վերքից, և խունկ, որն այրվելով է իր անուշ բույրով լցնում շրջապատը:

Հիմա, որ մենք վայելում և ըմբռնում ենք այս չքնաղ քերթվածքները, պարտական ենք Իսահակյանի այն մեծ սիրուն, որը միշտ դառնացած լացեց, անձայն հեկեկած և խունկի պես այվեց և այրվելով հասավ մեզ ու իր բույրը լցրեց ու դեռ լցնում է հայ քնարերգության անդաստանը:

1893թ. մարտի 26-ին Իսահակյանը իր «Հիշատակարանում» գրել է. «Որքա՞ն դատարկ կլիներ կյանքը, եթե չլիներ նրանում սիրո դրաման, տրագեդիան, կատաստրոֆը»: Թումանյանի խոսքերով ասած՝ Իսահակյանի սիրային բանաստեղծությունները կենսագրություններ ունեն, պատմություն ունեն:

Իսահակյանի բանաստեղծությունների տողերում է թաքնված հենց իր՝ Իսահակյանի բանաստեղծական հոգին: Ոտանավորների գրության շարժառիթը բանաստեղծի Շուշան-յարի անսպասելի ամուսնությունն է եղել:

1893 թվական: Իսահակյանը Վիեննայում էր: Նա նամակ է ստանում իր քրոջից, որ Շուշիկը ամուսնացել է, և իրենք էլ ներկա են եղել հարսանիքին:

Այս ծանր լուրը ազդում է բանաստեղծի վրա և նա գրում է.

Դա՛ ըդս լացեք, սարի սմբուլ,
Ալվան- ալվան ծաղիկներ,
Դա՛ ըդս լացեք բա՛ ղի բլբուլ,
Ամպղող երկնուց գով-հովեր...

Երկինք-գետինք գլխուս մթան,
Անտուն-անտեր կուլամ ես.
Յարիս տարա՞ն- ջանիս տարա՞ն,
Հոնգու՛ ը-հոնգու՛ ը կուլամ ես...

Ա՞խ յարս ինձ հանեց սրտեն,
Անճար թողեց ու գնաց.
Արտիս սավդեն – խորունկ յարեն
Անդեղ թողեց ու գնաց:

(29/08, Վիեննա)

Իսահակյանի հոնգուր-հոնգուր լացացնող անսիրտ մարդը հայտնի մանկավարժ Տեր-Միրաքյանն էր, որն ավարտել էր Ենայի համալսարանը վերադարձել էր Ալեքսանդրապոլ՝ ամուսնանալու նպատակով: Շուշիկի ծնողները, շլացած այդ երիտասարդի դիրքից ու փայլից, առաջարկը չէին մերժել: Հովհաննես Տեր-Միրաքյանը

34 տարեկան էր, տեղյակ էր Շուշան- Իսահակյան սիրո պատմությանը: Շուշիկը նամակներից մեկում խոստովանել է՝ «Մերս անհաջող դուրս եկավ, բամբասանքների առիթ եղա, ասելության գոհ, ես աշխատել եմ լինել ծածկամիտ, խորհրդավոր, բայց չի հաջողվել» (1893թ 25/III)

Շուշանիկի բանաստեղծությունը՝ գրված 1893թ. հունիսի 23-ին, վկայությունն է վերոհիշյալ տողերի:

Մի խուլ հառաչ է հնչում ափերից,

Ալեկոծ ծովի՝ նա միակ բողոք,

Հու՞յս է որոնում տառապած ալիք,

Ու ժայռի լանջը ծեծում անողոք:

Միրոս դատարկ է, մի ժայռ է դարձած

Անողոք կանքի կովում արնոտված:

Իսահակյանը Շուշիկի հետ ոչ միայն նամակներ է փախանակել, այլև բանաստեղծություններ, որոնցից մի քանիսը կրում են հետևյալ վերնագրերը՝ «Նվեր սիրելի քույր Շուշիկին իր եղբայր Ավետիքից»:

Բայց ուրացար ինձ, նագելի՛,

Վիշտը ճնշեց իմ կուրծքը,

Մարեց սերն, մարեց կյանքի

Վառ ցանկության կրակը:

Եվ դու անհոգ, որպես թռչնիկ,

Շիրմիս վրա ճախրում ես,

Արդյոք անգութ, անվիշտ քույրի՛կ,

Խողջ եղբորդ հիշո՞ւմ ես:

Շուշիկն էլ իր հերթին անպատասխան չի թողել «եղբոր» չափածո նամակ-ուղերձը և նվիրել է նրան «Կույսի գերեզմանը» ոտանավորը:

Էլ քեզ չեմ սիրի,

Էլ չեմ դառնալու

Քո հիշատակն եմ,

Միայն պահելու
Երբ որ գիշերին
Ցուրտ քամին փչե,
Մանրիկ անձրևը
Մեղմաբար տեղա,
Միայնակ կյանքում
Ես պիտի զգամ
Սիրո տանջանքիս
Սառը գերեզման:
Մահ՝ տաճած սիրուս,
Մահ՝ արցունքներուս.
Եվ միայն՝ կռիվ,
Խավարի դաշտում.

Այս փոքրիկ բանաստեղծություններն էլ ծնունդ են նամակագրության, և դեռ ավելին ամեն մեկը մի փոքրիկ, բայց խոսուն նամակ է:

1894թ. Շուշանիկ Մատակյանը և մանկավարժ Հովհաննես Տեր-Միրաքյանը ամուսնացան: Դա այնպես է տակնուվրա անում բանաստեղծի հոգին, այնպիսի ցասում է առաջ բերում նրա մեջ, ասես մարդիկ անլուր ոճիր են գործել իր հանդեպ և իրեն մնում է արյան վրեժ լուծողի դերը: «Հիշատակարանում» մերժված սիրահարը բացում է հոգու ծալքերը և մեկ մեկ դուրս հանում այնտեղից կսկիծն ու ցավը:

«Երեկ գիշեր մինչև չորսը չեմ քնել, հետո քնեցի, որովհետև ուժասպառ եղա... Տանջվեցի, լացեցի, հուսահատվեցի ու գլուխս պատին խփեցի... Շուշի՛կ, միայն քեզ համար այսօր էլ եմ լացել ու շատ տանջվել: Ես վճռել եմ – պիտի նամակ գրել Շուշիկի մարդկանց և խնդրել ու ստիպել, որ ապահարզան տա, իսկ եթե չտվեց, ես էլ չեմ կարող տանել... այն ժամանակ կդիմեմ խիստ միջոցների – արյուն... Ես ինձ կսպանեմ ու իմ արյունով կներկեմ նրանց լիրբ ամուսնության խայտառակ անկողինը... Անե՛ծք կյանքին ու զարգացմանը – անե՛ծք, անե՛ծք»:

Այս գրառումը Իսահակյանը նամակի տեսքով ուղարկում է իր այնքան ատելի ու միաժամանակ այնքան սիրելի Շուշիկին: Այս ապրումներից է ծնվել հետագայում՝ 1897 թվականին, Հատիճում գրված «Ա՜խ, իմ ճամփեն մոլոր գնաց» բանաստեղծությունը:

Անցել է 4 տարի Շուշիկի ամուսնությունից, բայց գնալով ավելի է մխում բանաստեղծի սիրտը ավելի է մորմոքվում միտքն ու հոգին: Խորն է Իսահակյանի հոգու տառապանքը:

Ա՜խ, իմ ճամփեն մոլոր գնաց,
Անտակ ծովին դեմ առա,
Վա՜խ, իմ սերս անցա՜վ, գնա՜ց,
Ետ կանչելու ճար չկա:

Դուման եկավ ծովը ծածկեց,
Էն խաս հավքերն ի՞նչ եղան.
Դարդս եկավ, սիրտս ծածկեց.
Էն ալ-վարդերս ի՞նչ եղան:

Այս խոսուն, ցավով ու արյունքով լի բանաստեղծությունից առաջ Իսահակյանը գրել է մի բանաստեղծություն ուր ծովի անսահմանության առջև է բացում իր խոցված հոգին: Դուրյանի «Լճակի» և Իսահակյանի այս բանաստեղծության միջև ընդհանրություն կա: Երկուսն էլ՝ և՛ Դուրյանը, և՛ Իսահակյանը, տիեզերքի տակ չգտան մեկին, որի առջև բացեին իրենց վշտալլուկ սրտի գաղտնիքներն ու տառապանքը: Նրանք իրենց հոգու տխուր և ցաված սրտերը բացեցին տիեզերքի անլուր, անխոս, բայց «հասկանալու» և «լսելու» ունակություն ունեցող անձ-առարկաներին՝ մեկը՝ շճակին, մյուսն էլ՝ ծովին:

Աշխարհ մտա, վարդ սիրեցի
Անսեր վարդը սիրտս ծակեց,
Մենակ ապրա, արյուն լացի,
Աստղ էլ երկնում թառամեց...
— Ծո՛վ, սիրտդ բա՛ց, - բաց խորն ու լայն
Շատ դադրած եմ, ծոցդ կուգամ:

Ինչպես կուզեմ սիրտս թաղեմ
Ծովի մոայլ, մութ խորքում
Քեզնից հեռու՛, վիշտս պահեմ
Գաղտնի տեղում՝ շատ թաքուն
Ծովը միայն վիշտս իմանա,
Ծովը շատ մեծ սիրտ ունի,
Սրտանց կուլա սիրուս վրա,
Հոգու խորքից կհուզվի:

1897թ. Ալեքսանդրապոլում գրել է՝

—Սև աչերն շատ վախեցիր,-
Էն մութ, անծիր գիշեր է
Մութը ա՛հ է, չարքեր շատ կան
Սև աչերը մի՛ սիրե...

1888թ. Օդեսայում Իսահակյանը գրում է «Սիրեցի յարս տարան»
բանաստեղծությունը:

Սիրեցի յարս տարան
Յարս տվին ու տարան
Էս ի՞նչ գուլում աշխարհ է
Սիրտս պոկեցին ու տարան:
Յավս խորն է, ճար չկա
Ճար կա, ճար անող չկա
Էս ի՞նչ գուլում աշխարհ է,
Սրտացավ ընկեր չկա:

Լա՛վ օրերս գնացին~
Ափսո՛ս ասին, գնացին
— Էս ի՞նչ գուլում աշխարհ է,
Սև դարդերս մնացին:

Ճիշտ է, այս բանաստեղծությունները գրվել են Շուշիկի ամուսնությունից տարիներ հետո, և Իսահակյանը, ինչպես երևում է բոլոր բանաստեղծություններում, երբեք չհաշտվեց Շուշիկի սիրո կորստի հետ: Իր բոլոր բանաստեղծությունների սկիզբը, հիմքը կարծես ամփոփված է 1904թ. գրված նամակում, որի յուրաքանչյուր տողը մի բանաստեղծության ծնունդ է, արձագանքը: Շուշանիկ Մատակյանին գրված այս նամակը կարծես Իսահակյանի սիրո բանաստեղծություններին կյանք տված կայծն է, որը հետո դարձավ բռնկուն կրակ ու ողջ կյանքում այրեց բանաստեղծ Իսահակյանի սիրտը:

«Ինչու՞ եմ գրում, ի՞նչն է ստիպում ինչ գրել. – սիրել-ես քեզ չեմ սիրում, ասել – ես քեզ չեմ ասում, բայց դու իմ հոգում կաս՝ որպես մի ծանր երագ, որպես մի դժբախտություն, մի կոշմար: Ես ուզում եմ քեզ հոշոտել, բայց ուզում եմ քեզ հազար – հազար անգամ սպանել, սպանել, նորից սպանել, կենդանացնել՝ նորից սպանել, հավիտյան ապրել, և քեզ հավիտյան սպանել, բայց այդ չեմ կարող անել, անգոր եմ, ամբողջ էությունս բարի է... և որ ամենաողբալին է, ես դեռ քո ճիրաններում եմ. ի՞նչ անեմ, ինչպե՞ս ազատվեմ, երբեմն քեզ ասում եմ ծովաչափ, ծովաչափ, և երբեմն սիրում եմ և պատրաստ եմ ոտքերս համբուրելու, բայց որ հիշում եմ անցյալը ես մրրիկ եմ դառնում»:

Ծովն ալեկոծ, սանձակոտոր,

Իր քար շրթերն է կրծում.

Ա՜խ իմ վիշտը՝ մի չար ուրուր,

Միրտս է անդուլ քցքցվում:

Գնա՜մ, գնա՜մ կորչեմ անդարձ,

Փոթորիկի մեջ ընկնեմ,

Անդունդներին խողճ սիրտս տամ

Չար ուրուրից ազատվեմ:

«Եթե ամենակատաղի թշնամուս սիրեի, իմ՝ դեպի քեզ մրրկող սիրուս մի չնչին մասով, թշնամիս ինձ կգրկեր, կգուրգուրեր և կմխիթարեր...

Իսկ դու-դու գիտեիր իմ դժոխային տանջանքները բայց մոտ չեկար, մի անուշ խոսք չասեցիր: Ես քեզնից էլ՝ սեր չէի ուզում, բայց քո մեջ մարդ տեսնել կուզեի, և որ՝ դու իմ մեջ մարդ տեսնեիր»:

1904թ. հոկտեմբերի 16 –ին գրում է.
Քույր իմ նազելի, նայիր քո դիմաց,
Վիրավոր, ավեր սիրտս եմ բացել,
Ա՜խ, նվիրական ինձ քո գիրկը բաց,
Եվ գուրգուրիր ինձ, ես շատ եմ լացել,
Քնքուշ ձեռքերով աչերս սրբիր
Մի՛ թող ինձ լալու – ես շա՛տ եմ լացել
Ճակատիս մռայլ՝ մշուշը ցրիր
Եվ գուրգուրիր ինձ, ես շա՛տ եմ լացել:

Կամ՝

Մեկը չեղավ, որ իմանար վշտերս,
Քնքուշ ձեռքով դարման աներ վերքերիս,
Մեկը չեղավ, որ գուրգուրեր վարդերս,
Անուշ բույր տար, վարդի գույն տար երգերիս:
Բայց ես կյանքում շատ սիրեցի ու լացեցի,-
Մեկը չեղավ, որ ամոքեր վշտերս,
Սիրող սրտի ծարավ, ծարավ մնացի,
Մեկը չեղավ, որ գուրգուրեր վարդերս...

«Դու ասում էիր ինձ, որ ինձ չես սիրել – գիտե՛մ, գիտե՛մ. բայց այդ քեզ իրավունք չեր տալիս ինձ, երբ ես քո ոտքերի տակ, տիեզերական հզոր սիրուցս ստորացած, ընկած էի, ծաղրելու արևամարհելու, դուրս շպրտելու. չէ՞ որ, Շուշի՛կ ջան, ես մարդ էի, չէ՞ որ կային օրեր, որ դու ինձ գոնե հարգում էիր, «թանկագին» և «ջան» խոսքերով խաղում էիր հետս: Եվ այդ բոլորից հետո դու ինձ ոտակ տակ տվիր. խփեցիր ջահել սրտիս մեջ դաշույններ, չհանեցիր նրանց, թողիր սրտիս մեջ – մնացին, ժանգոտվան, և արյունովս իմ քայլափոխերս ծածկեցին, բայց դու մնացիր դեպի ինձ միշտ ծաղրող, միշտ անգութ, միշտ անսիրտ ...»:

Շուշիկը հարգել է բանաստեղծին, հարգել նրա զգացմունքները, խոստումներ չի տվել, Հովհաննես Տեր-Միրաքյանին է սիրել, ո՞րն է նրա մեղքը:

Սա էլ Շուշիկն է սիրել ու սիվել փոխադարձաբար, սրա մեղքը ո՞րն է:

«Բայց լալիս եմ հիմա ու սրտիցս արյուն է կայթում. գնա՛, Շուշիկ, Աստված քեզ հետ, ապրիր քու երեխաների համար, ինձ մի՛ անիծիր, իմ անունս երբե՛ք, երբե՛ք, մի՛ հիշիր և ոչ մի տեղ, և ոչ մի տեղ, ոչ մի մարդու մոտ, աղաչում եմ քեզ: Պետք չէ հիշել այն տաճարումնի ուրիշ Աստծո անուն, որին այդ տաճարը չի պաշտում, չպետք է այդ տաճարում ուրիշ ձոնի սեղան ու պատկեր դրվի. քո հոգու տաճարից թող ես ելնեմ դուրս՝ ես օտար, չճանաչված Աստված եմ այդտեղ:

Աղաչում եմ քեզ...

Ես էլ կվարվեմ քեզ հետ այդպես:

Դու ինձ համար մեռա՛ր, մեռա՛ր:

Արտասվելով համբուրում եմ քու գերեզմանը և ճամփա ընկնում՝ նոր Աստված գտնելու» Ավետիք 1904թ.

Դ. Դեմիրճյանը Իսահակյանին հասցեագրած մի նամակում հետևյալն է գրել. «Է՛հ, անտեր մարդիք ենք բանաստեղծներս; Շողիկ-Շուշանը մենք ենք սիրում, խաշիւր խլում, տանում, դարդերից երգեր ենք գրում, միայն մի կտոր ծափ են խոստանում – էս էլ կորցրած յարի գինը, արնագինը»:

(1898թ 15/III)

Իսահակյանը երկար տարիներ նամակագրական կապ է ունեցել նաև Աննա Բերոյանի հետ

1904թ. նոյեմբերի 9-ին գրված նամակում Իսահակյանը պատասխանել է Աննա Բերոյանի հարցերին «Արդյոք ի՞նչը ստիպեց քեզ՝ չարախնդաց Միֆեստոֆը, որ դու դիմում ես ինձ այսպիսի մմի հարցով – «Ո՞վ ես դու, իմ պահապան հրեշտակը, թե կործանող սատանան»:

— «Ո՞վ եմ ես»... Ես միայն այն կասեմ քեզ և այս միայն մի անգամ կասեմ և ամբողջ կյանքիս մեջ միայն մի անգամ կասեմ քեզ:

— «Ես սիրում եմ քեզ, Աննի՛կ, Աննի՛կ ջան, իմ շատ սիրելի Աննիկ»: Եվ այս իմ հոգու խորքերից քեզ խոստովանելուց հետո այսուհետև քեզ ամեն ինչ պարզ պետք է լինի ... ասա՛, ի՞նչ կարող է անել սիրող սիրտը, ինչի՞ առաջ կանգ կառնի սիրող սիրտը: Ես անկարելին կարելի կդարձնեմ քեզ համար, ես 40 գլխանի դևին կսպանեմ քեզ համար, ես իմ կյանքը կտամ քեզ համար, ուրիշ ի՞նչ ես ուզում, մի՞թե այսուհետ կարող

ես դու տատանվել, կասկածել դեպի ինձ: Դու դեն շարտիր քո թանկագին գլխից այն վատ մտքերը, թե ես նմանություն եմ գտնում քեզ քու քրոջ հետ: Աստված չանե, որ դու նրա նման լնես: Նա չար է, նա անսիրտ է, իմ ապրած հոգին զգաց քու մեջ մի երկնային կոզու ներկայություն, մի չքնաղ մաքրություն. ես կարոտ եմ այդ հրեշտակային գուրգուրանքին և անմեղության: Ես լալ եմ ուզում քու մաքուր ձեռքերի վրա, ես որոնել եմ միշտ մի ոսկեղեն, մի լուսեղեն ասուպի, որ անցներ իմ հոգու երկնքով, Եվ անցավ, ու այն դու ես»

Ավետիք:

Ո՞վ էր Աննա Բերոյանը: Աննա Բերոյանը Գյումրիում ճանաչված Մատակյան ընտանիքի դուստրն էր, Իսահակյանի բանաստեղծություններից մեզ այնքան ծանոթ Շուշիկի կրտսեր քույրը:

Շատերը գիտեին Իսահակյանի առաջին սիրո՝ Շուշիկի մասին, բայց քչերին է հայտնի այն նվիրական, քնքուշ զգացմունքները, որ Վարպետը տածել՝ Աննիկի հանդեպ:

«Ես ըմբռնեցի, որ գործ ունեմ մի լուրջ հոգու հետ,-գրում է Իսահակը անընդհատ,- ես քեզ երեխա էի կարծում, բայց հիմա զգում եմ, որ դու խորը և երազուն մարդ ես, որ դու այս աշխարհից չես, որ քու աչքերի մեջ երկնքի լույսից կա, որ դու ճառագայթ ես...»:

Երկուստեք նամակերը վերածվում են սիրո խոստովանության: Նամակներից երևում է, որ Վարպետը սկզբում աշխատել է իր մեջ զսպել այդ զգացմունքը, բայց այն գնալով խորանում է, և առաջին սիրո մոխիրների վրա մի նոր հրդոհ է բռնկվում՝ նախկինի պես գորեղ, նախկինի պես զուլալ ու պայծառ: Հանձին Աննիկի՝ Իսահակյանն ասես տեսնում է իր անուրջների աղջկան՝ Շուշիկին, ու կարծես վերածվում է նախկին սերը, որ անթեղված կրակի պես դեռ մլմլում է նրա հոգում:

Եվ այդ պայծառ զգացումից ծնվում է առաջին երգը՝ նվիրված Անիկին»:

Նրանք իմ կյանքը երազ դարձուցին.

Կուսական, մաքուր աչքերը անուշ,

Ցամակած սիրտս նորից լացուցին,-

Հոգիս վառեցին երգերով քնքուշ,

Շուջս փռեցին աստղիկ ու ծաղիկ...

Կուսական մաքուր աչքերը անուշ:

Իսահակյանը հանձին Աննիկի, գտել է իր երագ աղջկան և ամբողջովին նվիրվել նրան:

«Իմ անգին, իմ պայծառ Աննիկ ջան, իմ ընկեր, իմ մաքուր սեր, ասա ինչ որ կուզես՝ ես կատարեմ քեզ համար, մեռնել քու երագների համար: Դու իմ շքե՛ղ, իմ գուլալ երա՛գ... Եղի՛ր միշտ այդպես լավ, այդպես մաքուր, այդպես կուսական: Թող ոչ ոքի շունձը չդիպչի քեզ, ոչ ոքի ձեռքը չհասնի քեզ, և իմ հոգու համար, ձգտեմ, թոնեմ քեզ և մեռնեմ քու կապույտ, քու լազուր, քու ջինջ հոգում»:

Դու ջինջ և հեզ մի թիթեռ ես,
Եվ նուրբ և սուրբ թներով
Սիրտդ վճիտ թովրում ես
Գե՛շ, գա՛րշ մարդկանց վրայով
Դու՛, որ մաքուր մի թիթեռ ես,
Ա՜խ, մեր կյանքի ճահճի մեջ
Պիտի ընկնես, պիտի նեղվես:

1905թ. ապրիլի 7-ին Աննիկին հասցեագրված նամակում Իսահակյանը գրում է. «Այժմ ես քու առաջ այս ու միակ ելքն եմ դնում – եթե դու ինձ սիրում ես, եթե ես քեզ համար անգին եմ և անփոխարինելի և քու իդեալն եմ, եթե ես քու համար բարձր եմ և քու մորից, և՛ քու քույրերից և՛ քու փեսաներից, այն ժամանակ ձերոնց հայտնիք այդ սերը – քու սերը, և այն ժամանակ դու կլինես իմ հոգու թագավորության թագուհին, իմ սրբությունը, իմ պոեզիան, արևը: Այն ժամանակ ես կլինեմ քու պահապան հրշտակը, քու անձնագոհ ոգին՝ միշտ հավատարիմ, միշտ անդավաճան և միշտ աստվածային: Սա ոչ թե պայման եմ դնում, այլ պահանջ՝ իմ սիրո պահանջ. սիրո գինը սերն է, և իմ սերը այդպիսի սեր է պահանջում. ընդունա՞կ ես այդ գինը տալու – մենք ընկերներ կմնանք ամենավեհ մտքով հասկացած(ամուսնության մասին ոչ մի խոսք) Ես կարող եմ սիրելու՝ մահից գորեղ սիրով, և եթե չեմ գտնում այդպիսի մի սիրտ, ես իմ սրես վերքի պես կպահեմ հոգուս և կնկնեմ թափառելու: Մի՛ թող ինձ թափառելու, սիրի՛ր ինձ աստվածներին վայել սիրով, պահի՛ր ինձ քու հոգում, իմ լա՛վ Աննիկ, և մղի՛ր ինձ դեպի բարձրունքներ, դեպի կատարելություն: Աննիկ ջան, հոգի՛ ջան, մեր սերը թող

լինի ոչ այս աշխարհից, հողեղեն չլինի, սիրենք իրար հեռավոր աստղերի պես.
իրարուց հեռու, իրար սրտի մեջ»:

Սիրող սրբազան վշտով թաթախի՛ր
Հեռավոր ավեր գնա՛, թափառի՛ր,
Անհագ որոնի՛ր մի վեհ ընկերի,
Սիրի՛ր, քայց սիրուն մի լինիր գերի,
Սիրի՛ր, քայց և թող, և նորից գնա՛,
Ազատ ու մենա աշխարհիս վըրա
Եվ երազ մի վա՛ռ, շքեղ, սուրբ ու վեհ
Այս հողի – երկրից հոգիդ թոցնե
Կարոտով ձգտիր աստղերին անշեջ
Եվ մեռի՛ր աստղե – ոլորտների մեջ:

«Իմ նպատակը, Աննի՛կ, սիրելիս՝ - հավիտենական սիրո մեջ է, որ ապրում է իմ բոլոր ապրումների մեջ, որից ինձ ոչ ոք չի կարող զրկել... Նա կապրի իմ գերեզմանից հետո էլ դեռ իմ անմահ ատումների հետ...

Ժամանկար իր վախճանին կհասնի,
Եվ արևը մի բուռ մոխիր կդառնա,
Բայց իմ սերը վախճան չունի, հուն չունի,
Նա հավերժ է, նա անշեջ է, նա անմահ:

«Ես ուզում եմ այսպես կամ այնպես վերջացնել մեր մեջ այս անորոշությունը՝ կամ իրար մոտ, կամ հավիտյան բաժան. և ես դրա համար շատ տեղիքներ տվեցի քեզ, առաջարկեցի քանի՛ - քանի՛ անգամ նշանվել: Դա և ընդունեցիր, և՛ մերժեցիր: Բայց վերջը մերժեցիր, և ես աշխատում եմ գոեհիկություններ անել – ծաղրել սեր, բարեկամություն, սիրտ, զգացմունք: Կուզեի քեզ միշտ սիրել՝ առանց տիրապետելու, կուզեի քեզ սիրել և չամուսնանալ հետո, քայց և զգում եմ, որ սա անխղճություն կլինի իմ կողմից, մարդիք ուրիշ կերպ կբացատրեն և կյանքում կտուժես՝ իմ պատճառով, չարաչար: Ես ինքնս չգիտեմ՝ ինչ եմ անելու, թողնում եմ քո վճռին, արա՝ վոնցվոր ուզում ես, մեղքը քո վիզդ,- կուզե՞ս, կամուսնանանք, կուզես՝ չէ, կուզես՝ բաժանվենք. . .

Ուրեմն՝ վճռիր նշանվենք, և վերջանա այս ձանձրալի դրությունը:

Ես ատում եմ ամուսնությունը, բայց քեզ հետ տանելի կլինի, և մանավանդ, որ դու ինձ շատ ես սիրում և որ ես չեմ ցանկանա ուրիշի սիրտը փշրել . . . »:

Սակայն Աննիկի սերը նույնքան գորեղ չի, գոհաբերվելու ընդունակ չի: Նա անվճռական է, միջավայրն ավելի ուժեղ է գտնվում, այն երկրորդ անգամ առհամարում է բանաստեղծին, ցնդում է նրա նվիրական երազը՝ խոր վերք բացելով առանց այն էլ նրա վիրավոր սրտում:

Կնոջն ուզելի հավատալ նորից
Լալ ու երազել առաջվա նման,
Բայց արյունոտվեց խեղջ սիրտս նորից,
Եվ վորք մնացի և թափառական:
Սեր՛, մնաս բարով, էլ քեզ չեմ նայի,
Չեմ բախի յառդ ունայն քամու պես,
Բայց կուզենայի հավիտյան լայի,
Եվ չցամաքեր արցունքը սրտես:

Դու չար սիրտ ունես Շուշիկի պես, նա ինձ անսահմանորեն տանջեց, բայց տարիներ հետո ներողություն խնդրեց ու զոջաց. . . Հիմա էլ դու ճիշտ և ճիշտ նույն խաղն ես խաղում ինձ հետ: Քեզ 5-6 նամակ եմ գրել, խոստովանել սերս, իսկ դու այդ բոլորը եղած-չեղած ես համարում և լսում ես ձեր շրջանին: Ոչխար և անբարոյական մարդիկ են ձերոնք, ես արհամարում եմ նրանց, և եթե դու լսում ես նրանց, գնա՛ հեռացի՛ր ինձնից, քեզ համար Ավետիք չկա, դու չես կարող ապրել նրա երկնքում, դու երկթի ծնունդ ես:

Նա չի կարող ապրել քու հոգում – դա հասարակ կնոջ մի խորամանկ ու կապրիզնի դժոխք է. չես կաող հասնել Ավետիքին, չես արժանանա նրա սիրուն – նա քեզ համար կյանք էր գոհում, իսկ դու՞ - ո՞վ ես դու. . . դու արժանի չես նրա հոգում ապրելու, քու տեղը մի վաճառականի կամ մի ինժեների զգվելի սիրտն է, գիրկն է. . . »:

Ավա՛դ, լուսնի տակ և վեհ բսն չկա
Ամեն ինչ կոպիտ, բիրտ, անասնական ,
Աննյութ, անմարմին, անկիրք սեր չկա,
Ա՛խ, մաքուր սերը երազ է միայն:

«Անցավ ասկի արևը, եկավ գիշերը, և չկա երազոտ, չկա Ավետիքը: Նա վեհափառ սարերի արծիվ է նա կայծակ է մռայլ ամպերի մեջ... նա բանաստեղծ է, ստեղծագործող է: Ահա նա փշրեց իր կուրծքը, իրեց մատները, հանեց քու սերը իր սրտի միջից, և շարտեց շան ու գիլու առաջ. . .

Դու մեռար նրա համար, արդյոք ինչպես պիտի հարություն առնես, արդյոք կարո՞ղ ես հարությունառնել, արդյոք ուզո՞ւմ է նա, որ հարություն առնես. . . »:

Ավետիք

Բարձր լեռների արծիվը մեկ-մեկ

Ազահ ազոավից ցածր կթռնի

Սակայան դաշտերի ազոավը երբեք

Հզոր թռիչքին նրան չի հասնի:

-«Կարող է պատահել,- գրում է նա Արիստակես Տերտերյանին գրած նամակում,- որ սարեիր արծիվը մեկ-մեկ ավելի ցած թռչի գիշակեր, ազահ ազոավից, բայց չէ՞ որ ազոավը երբեք չի կարող սարերի արծվից բարձր կամ հավասար թռչել:

(Ի դեպ, ասեմ, որ Արիստակես Տերտերյանը մեղադրում էր Իսահակյանին Աննիկի նկատմամբ զգացմունք ունենալու համար):

Իսահակյանի վերջին նամակը Աննիկին թվագրված է 4/VIII 1905թվական: Վարպետը թեև սպասում էր պատասխանի, բայց Աննիկի սառնությունը ակնհայտ էր:

Դու մերժեցիր ինձ, չկանչեցիր ետ:

Եվ անցան տխուր, տարիներ տխուր,

Եվ հեռվից վախով, հույսերից թափուր,

Նայում էի քեզ, մենակ վշտիս հետ:»

Սրանով էլ ընդհարվում է Աննիկի և Իսահակյանի նամակագրությունը: Իսահակյանը խզում է կապերը Աննիկի հետ ու դառնացած սրտով հրաժեշտ տալիս նրան:

Բայց, իհարկե, Վարպետը չմոռացավ իր սերերը:

«Տեսա Շուշիկին, հիվանդ, ծերացած, կմաղքացած: Եվ համեմատել՝ այն ծայրը և այս ծայրը:

Զարհուրելի է:

Լսեցի մահը 21/X – 1944թ:

Ժամը 2-ին

Հուր հավիտյան մինչև մահ, գերեզման չեմ մոռանա ես նրան: Հիմա ես կարող եմ ասել, որ իմ կեսը մեռել է:

Իսկ Աննի՞ կը:

Ծերության օրերին՝ Լենինականում եղած ժամանակա, ալեգարդ քանաստեղծը երբեմն այցելում էր Աննիկին: Չմոռացավ և Աննիկը: Նա մինչև իր կյանքի վերջը, արտի խորգում անթեղված պահել է քանաստեղծի հանդեմ տածած ջահել օրերի նվիրական սերը: Պահել է Վարպետի նամակերը որպես սուրբ մասունքներ:

Ասում են՝ որ իր կյանքի վերջին տարիներին՝ գրեթե ամեն օր, երբ քաղաքի վրա իջնում էր երեկոն, նա փակվում էր իր սենյակում, սրբազան երկյուղածությամբ բացում էր Վարպետի նամակները, խոր լռության մեջ կարդում նորից ու նորից, երկա՛ր – երկա՛ր նայում դրանց, ասես վերանում էր իրականությունից հուզվում էր ու արտասվում իր անցած ջահելության, կորցրած սիրո, խորտակված երազների համար: (Աննա Մատակյանը մահացել է 1960 թվականին 74 տարեկան հասակում):

Բաղորդ չժպտած սիրահար Իսահակյանին, անողորքաբար ճլատ եղավ իր հանդեպ, բայց շոայլորեն առատաձեռն եղավ քանաստեղծ Իսահակյանի հանդեպ, թեև նա կուզենար, որ հակառակը լիներ:

Երիտասարդ, գրեթե պատանի՝ 18 ամյա Իսահակյանը կուզենար ոչ՝ իր անհույս սիրո տառապանքը կրել, ոչ՝ էլ սիրային քնարերգության գլուխգործոցներ ստեղծեր այքան թանկ գնով:

Կարոտ կեցա կնոջ սիրուն-
Սրտի ոսկե արևին,
Պապակ կեցա մութ սարերին-
Բաշը փրփուր նժույզին
Կյանքս անցավ թևերը թափ
Սիրոս կոտրած սագի պես,
Ա՛խ մահվան պես, սև մահվան պես,
Իմ դարդե՞ րս, դարդե՞ րս:

Օգտագործված գրականության ցանկ

1. ԱՎ. Իսահակյան /1, VI հատոր
2. Ռուբեն Զարյան՝ «Ավետիք Իսահակյան»
3. Հ. Ղանալանյան՝ «Հուշ դիմանկար»
4. Ավ. Իսահակյան՝ «Հիշատակարան»